



**“ქართული ოცნების” პროპაგანდა მზია
ამაღლობელის წინააღმდეგ**

სარჩევი

შესავალი..... 3

გზავნილები მზია ამაღლობელის წინააღმდეგ..... 4

 „მზია ამაღლობელი არის დამნაშავე“ 4

 „მზია ამაღლობელი არის პარტიული აქტივისტი“ 5

 „მზია ამაღლობელი არის უცხოეთის აგენტი, დასავლეთის დაკვეთის შემსრულებელი“ 5

 “მზია ამაღლობელი არის მოძალადე“ 6

ცრუ ბრალდებები პოლიციელისთვის სტიკერის მიკვრისა და შეფურთხების გამოგონილ ფაქტებზე 7

შესავალი

2026 წლის 12 იანვარს ერთი წელი შესრულდება დამოუკიდებელი გამოცემების – “ბათუმელებისა” და “ნეტგაზეთის” დამფუძნებლის, ჟურნალისტ მზია ამაღლობელის პატიმრობიდან. მზია ამაღლობელი, საბჭოთა კავშირის დაშლის შემდეგ, პირველი პოლიტიკური პატიმარი ჟურნალისტი ქალია საქართველოში. იგი 2025 წლის 11-12 იანვრის ღამეს, ქალაქ ბათუმში მიმდინარე საპროტესტო აქციაზე, ორჯერ დააკავეს. თავდაპირველად [დააპატიმრეს](#) ბათუმის პოლიციის სამმართველოს დამხმარე სათავსოს კედელზე საპროტესტო სტიკერის გაკვრისათვის, რომელზეც ეწერა – “იფიცება საქართველო”. ეს სტიკერი პოლიციელებმა გაკვრისთანავე მოხსნეს. დაკავებიდან რამდენიმე საათში, მზია ამაღლობელი ხელწერილის საფუძველზე გაათავისუფლეს, თუმცა, მალევე კვლავ დააკავეს ბათუმის პოლიციის უფროსის – ირაკლი დგებუაძისთვის – სილის [გაწვნისთვის](#).

ჟურნალისტის წინააღმდეგ გამოძიება დაიწყო სისხლის სამართლის კოდექსის [353 პრიმა მუხლის](#) პირველი ნაწილით.¹ მზია ამაღლობელს აღკვეთის ღონისძიების სახით წინასწარი პატიმრობა ჰქონდა შეფარდებული. 2025 წლის 6 აგვისტოს ბათუმის საქალაქო სასამართლოს მოსამართლე ნინო სახელაშვილმა მზია ამაღლობელს ბრალი გადაუკვალიფიცირა სისხლის სამართლის 353-ე

მუხლის პირველი ნაწილით და 2 წლით თავისუფლების აღკვეთა მიუსაჯა.²

მზია ამაღლობელი, დაკავებისთანავე, პარტია “ქართული ოცნების” პროპაგანდისტული და დებინფორმაციული თავდასხმის სამიზნე გახდა. ქვემოთ მოცემულია “ქართული ოცნების” მიერ მზია ამაღლობელთან დაკავშირებით გავრცელებული გზავნილები, რომლებიც “მედიის, ინფორმაციის და სოციალური კვლევების ცენტრმა” გააანალიზა. “ქართული ოცნების” წარმომადგენლების შეფასებები და განცხადებები მზია ამაღლობელის საქმესთან დაკავშირებით მოძიებულია შემდეგი ონლაინ მედიასაშუალებებიდან: [Netgazeti.ge](#), [Publika.ge](#), [On.ge](#), [Tabula.ge](#), [ipn.ge](#), [1TV.GE](#), “რეზონანსი”, [Imedine.ws.ge](#) და [Ambebi.ge](#). მონაცემები შეგროვდა საძიებო სისტემებისა და თეგების გამოყენებით. სულ შეგროვდა და გაანალიზდა პოლიტიკოსების მიერ გაკეთებული 38 განცხადება.

მზია ამაღლობელის წინააღმდეგ დებინფორმაციული გზავნილების გავრცელებით განსაკუთრებით გამოირჩეოდნენ: “ქართული ოცნების” პარლამენტის თავმჯდომარე – შალვა პაპუაშვილი, პრემიერ-მინისტრი – ირაკლი კობახიძე და „ქართული ოცნების“ მაშინდელი აღმასრულებელი მდივანი, ამჟამად სახელმწიფო უსაფრთხოების სამსახურის უფროსი მამუკა მდინარაძე. მათ გარდა, პერიოდულად, განცხადებებს აკეთებდნენ „ქართული ოცნების“ თბილისის მერი კახა კალაძე და პარლამენტის

¹ სისხლის სამართლის კოდექსის [353 პრიმა მუხლის](#) პირველი ნაწილი გულისხმობს პოლიციელზე, სპეციალური პენიტენციური სამსახურის მოსამსახურებზე ან ხელისუფლების სხვა წარმომადგენელზე, ანდა საჯარო დაწესებულებაზე თავდასხმას.

² აღნიშნული მუხლი გულისხმობს — პოლიციის მუშაკის, სპეციალური პენიტენციური სამსახურის მოსამსახურის ან ხელისუფლების სხვა წარმომადგენლის მიმართ წინააღმდეგობის გაწევას საზოგადოებრივი წესრიგის დაცვისთვის ხელის შეშლის, მისი საქმიანობის შეწყვეტის ან შეცვლის მიზნით.

წევრები – ნინო წილოსანი, დავით მათიკაშვილი და სოზარ სუბარი.

“ქართული ოცნების” პროპაგანდა მზია ამალლობელის წინააღმდეგ რამდენიმე ძირითად გზავნილს ეყრდნობოდა, რომლებიც ხშირ შემთხვევაში ერთსა და იმავე განცხადებაში ერთდროულად იკვეთებოდა:

- მზია ამალლობელი არის დამნაშავე
- მზია ამალლობელი არის [ოპოზიციური] პარტიული აქტივისტი
- მზია ამალლობელი არის უცხოეთის აგენტი, დასავლეთის დაკვეთის შემსრულებელი
- მზია ამალლობელი არის მოძალადე

გარდა ამისა, “ქართული ოცნების” ზოგიერთმა წარმომადგენელმა გაავრცელა ყალბი ინფორმაცია თითქოსდა მზია ამალლობელი პოლიციელებს სტიკერს აკრავდა ზურგზე, ან/და მზია ამალლობელმა შეაფუთხა პოლიციელს.

გზავნილები მზია ამალლობელის წინააღმდეგ

„მზია ამალლობელი არის დამნაშავე“

„ქართული ოცნების“ ლიდერები დაკავებისთანავე მზია ამალლობელს საჯაროდ მოიხსენიებდნენ დამნაშავედ. ისინი ხაზს უსვამდნენ, რომ მისი ქმედება ყველას თვალწინ, პირდაპირ ეთერში მოხდა და ამას წარმოაჩენდნენ როგორც „მტკიცებულებას“.

[13 იანვარს](#) მზია ამალლობელის დაკავებიდან მეორე დღესვე, „ქართული ოცნების“ ყოფილმა აღმასრულებელმა მდივანმა, მამუკა მდინარაძემ, შემთხვევას „უმარტივესი ქეისი“ უწოდა, სადაც

„პოლიციელს პირდაპირ ეთერში ურტყამს ხელს ქალბატონი“. მან დასვა “რიტორიკული” კითხვა – „როდესაც ადამიანი პირდაპირ ეთერში პოლიციელს ურტყამს ხელს, უნდა დაისჯოს თუ არა?“ და თავადვე უპასუხა: „კი... მაშინ ის ადამიანი დაკავებულია კანონიერად – დამთავრდა!“ ამგვარად, „ქართული ოცნების“ წარმომადგენელმა დაკავებისთანავე, მზია ამალლობელი წინასწარ გამოაცხადა დამნაშავედ. [15 იანვარს](#) ასევე მდინარაძემ „მარაბში“ უწოდა ნებისმიერ მცდელობას, ეჭვქვეშ დაეყენებინათ ეს შემთხვევა. მან თქვა, რომ მიუღებელია „ნანახის საწინააღმდეგოდ“ საუბარი, რადგან: „მზია ამალლობელის მიმართ პირდაპირ ეთერში მტკიცებულება შექმნა თავად მზია ამალლობელმა“. [7 მაისს](#) კი კიდევ ერთხელ გაიმეორა: „მზია ამალლობელი არის სავარაუდო დამნაშავე, რაც საბოლოოდ, განაჩენით დადასტურდება“. [30 იანვარს](#) ირაკლი კობახიძემ განაცხადა – „...კამერების წინ იქნა ჩადენილი კონკრეტული დანაშაული...“.

მზია ამალლობელის დაკავებიდან მალევე „ქართული ოცნების“ წარმომადგენლების რიტორიკაში გაჩნდა სიტყვა – სინანული/მონანიება. ისინი აცხადებდნენ, რომ მზია ამალლობელისგან ელოდნენ სინანულის გამოხატვას და შეცდომის აღიარებას ჩადენილი საქციელისთვის, რითაც თითქოს ირიბად მიანიშნებდნენ, რომ ამალლობელის მკაცრი დასჯა დანაშაულის მოუწინაველობით იყო გამართლებული.

“არც კი გამოხატავს სინანულს, არც ის და არც მისი თანაპარტიელები კოლექტიური ნაცმოძრაობიდან”, – განაცხადა [29 იანვარს](#) ირაკლი კობახიძემ. [8 თებერვალს](#) მან კვლავ გამოთქვა უკმაყოფილება, რომ „პოლიციელს გაართყეს სახეში ხელი და ნული

სინანული ამასთან დაკავშირებით”. „მე არ მახსოვს, არავის მოუსმენია ამდენი ხნის განმავლობაში თუნდაც სინანული, თუნდაც ის, რომ გამოსულიყო და ეთქვა ადამიანურად, რომ შეცდომა დაგუშვი და მაპატიეთ“; – განაცხადა [29 იანვარს](#) თბილისის მერმა კახა კალაძემ.

მოგვიანებით, ირაკლი კობახიძემ ამაღლობელის საქციელი „ანტისახელმწიფოებრივ ქმედებად“ [მოიხსენია](#). „საქართველო არის სახელმწიფო და სახელმწიფოს ყოველთვის ექნება სათანადო რეაგირება ნებისმიერ ანტისახელმწიფოებრივ ქმედებაზე“, – განაცხადა მან.

„მზია ამაღლობელი არის პარტიული აქტივისტი“

„ქართული ოცნების“ წარმომადგენლები ცდილობდნენ მზია ამაღლობელი ასევე წარმოეჩინათ როგორც პარტიული აქტივისტი. ამ გზავნილის გავრცელებაში განსაკუთრებით ირაკლი კობახიძე გამოირჩეოდა:

„სინამდვილეში, ეს ადამიანი არის არა ჟურნალისტი, არამედ პარტიული აქტივისტი“, – განაცხადა [15 იანვარს](#) ირაკლი კობახიძემ. იგივე გაიმეორა [29 იანვარს](#), ერთ-ერთ ინტერვიუში. მან ასევე გაავრცელა დეზინფორმაციაც, თითქოს მზია ამაღლობელმა სტიკერი პოლიციელს მიაკრა და თქვა, რომ იგი „პარტიული აქტივისტის“ ზოლში მოქმედებდა. კვლავ ეს გზავნილი ჰქონდა ირაკლი კობახიძეს უკვე [21 ოქტომბერს](#), როდესაც ჟურნალისტის კითხვის პასუხად ამბობდა, რომ საქართველოში არცერთი ჟურნალისტი არ არის დაპატიმრებული და „მხოლოდ პარტაქტივისტები არიან დაჭერილი“. მან მზია ამაღლობელი და სხვა პოლიტიკური პატიმრები „კოლექტიური ნაცმოდრახობის პარტაქტივის“ წაწილად

მოიხსენია და აღნიშნა, რომ როგორც პარტიული აქტივისტები, ისე არიან დაკავებული.

„მზია ამაღლობელი არის უცხოეთის აგენტი, დასავლეთის დაკავების შემსრულებელი“

„ქართული ოცნების“ წარმომადგენლები მზია ამაღლობელის ირგვლივ განვითარებულ მოვლენებს უკავშირებდნენ უცხოელ აქტორებს და აცხადებდნენ, რომ იგი იყო „დასავლეთიდან მართული“, რომ მისი ქმედებები უცხოელი „კურატორების“ დავალებით ხდებოდა და ქვეყნის ინსტიტუტების დასუსტებას ემსახურებოდა. ეს გზავნილი ყველაზე ხშირად „ქართული ოცნების“ პარლამენტის თავმჯდომარის – შალვა პაპუაშვილის მიერ ჟღერდებოდა.

„გაოგნებული ვარ, ევროკავშირის ელჩის განცხადებით ამ დღეების განმავლობაში, გუშინაც ჰქონდა განცხადება, რაც იყო პირდაპირ წაქეზება, რომ ადამიანს თავისი თავის დაზიანება გაეგრძელებინა“, განაცხადა [18 თებერვალს](#) შალვა პაპუაშვილმა. ამის შემდეგ არაერთხელ გაიმეორა იგივე, განსაკუთრებით მზია ამაღლობელის სასამართლო პროცესების პერიოდში, როდესაც ხედავდა, ამ პროცესებისადმი დიპლომატიური კორპუსის მაღალ ინტერესს. „ყველას კარგად უნდა ესმოდეს, რომ ერთადერთი დატვირთვა, რაც მათ [დიპლომატიური კორპუსის] ყოფნას სასამართლო დარბაზში აქვს, ეს არის გეწოლა მართლმსაჯულებაზე და მოსამართლეების დაშინება“, – განაცხადა მან [7 მარტს](#). უფრო მეტიც, ერთ-ერთ კომენტარში პაპუაშვილმა ელჩები პირდაპირ დაადანაშაულა ამაღლობელის ვითომდა წახალისებაში. „მზია ამაღლობელი ან მისი გულშემოტიკორები თუ სადმე

ედებენ დამნაშავეებს, თუ რატომ არის ასეთი სასჯელი, ეს დამნაშავეები ისხდნენ იმ ღარბაშში ელჩების სახით”, – აღნიშნა მან [8 აგვისტოს](#).

„გმირად ნუ გამოვიყვანთ ქაღატონს, რომელიც კონკრეტული დავალებით მოქმედებდა...“, – განაცხადა [3 თებერვალს](#) მამუკა მდინარაძემ. „უცხოელი აგენტებისა და მათი პატრონების გარდა არავინ აპროტესტებს ამაღლობელის შემთხვევას“, – აღნიშნა ირაკლი კობახიძემ [20 მარტს](#). მან განაცხადა, რომ აგენტების მთავარი მიზანი საქართველოს სამართალდამცავი სტრუქტურების „დასუსტება, დაკნინება და ჩამოშლა“ იყო. მსგავსი გზავნილები – უცხოეთის ინტერესით მოქმედება, დაკვეთის შესრულება და აგენტურული საქმიანობა – კობახიძემ შემდეგაც არაერთხელ გაავრცელა (მაგ. [16 აპრილს](#); [10 ივლისს](#)).

„ქართული ოცნების“ სხვადასხვა წარმომადგენლები ცდილობდნენ დისკრედიტაცია მოეხდინათ იმ საერთაშორისო მხარდაჭერისა, რომელიც ჟურნალისტმა დაპატიმრებისთანავე მიიღო. მაგალითად, [19 ივნისს](#) პარლამენტის წევრმა, ნინო წილოსანმა, სოციალურ ქსელში დაწერა, რომ [ევროპარლამენტის რეზოლუცია](#), რომლითაც ამაღლობელის გათავისუფლებას მოითხოვდნენ, „სიგიჟეებით არის გაჯერებული“. მას შემდეგ, რაც საერთაშორისო პრესის ინსტიტუტმა (IPI) ამაღლობელი „მსოფლიო პრესის თავისუფლების გმირად“ დაასახელა, „ქართულმა ოცნებამ“ [10 ოქტომბერს](#) გამართულ სპეციალურ ბრიფინგზე ეს გადაწყვეტილება გააკრიტიკა და [კონსპირაციულ თეორიას](#) დაუკავშირა, რომლის თანახმადაც ე.წ. დიპსტიტი უხეშად ლახავს სუვერენული სახელმწიფოს

ინტერესებს. განცხადების თანახმად, „ამაღლობელის გმირად გამოცხადება არა მხოლოდ მისი წახალისებაა, არამედ სიგნალია აგენტებისთვის, რომ გმირების რიგებში ჩაეწერება ყველა, ვინც განუხრელად შეასრულებს დიპსტიტის დავალებებს“.

23 ოქტომბერს, ევროპარლამენტის მიერ მზია ამაღლობელისთვის “სახაროვის პრემიის” მინიჭებამ კიდევ უფრო გაამწვავა „ქართული ოცნების“ რიტორიკა – შალვა პაპუაშვილმა პრემიის მინიჭებას „წამქეზებლობა“ უწოდა, ხოლო ირაკლი კობახიძემ [განაცხადა](#), რომ ამაღლობელმა „შეასრულა დავალება“ და რომ მისი დაჯილდოება სხვა არაფერია თუ არა „რადიკალიზმისა, კრიმინალის წახალისება“.

“მზია ამაღლობელი არის მოძალადე“

„ქართული ოცნების“ პროპაგანდაში მზია ამაღლობელი და ასევე მისი მხარდამჭერები ხშირად „მოძალადეებად“ ან/და „ძალადობის წამქეზებლებად“ იყვნენ წარმოჩენილი. „ქართული ოცნების“ ლიდერები ამტკიცებდნენ, რომ ამაღლობელის ქმედება იყო „ძალადობრივი აქტი სახელმწიფოს წინააღმდეგ“.

[29 იანვარს](#) გაკეთებულ განცხადებაში ირაკლი კობახიძემ აღნიშნა, რომ ამაღლობელის პატიმრობაზე „პასუხისმგებლობა უნდა იგრძნონ იმ ადამიანებმა, რომლებიც მთელი ამ კვირებისა და თვეების განმავლობაში საქართველოში ახალისებდნენ ძალადობას“. კობახიძემ, მათ შორის, ასხენა ოპოზიციის ლიდერები და უცხოელი ჩინოვნიკები და დიპლომატები, რომლებმაც, მისი თქმით, „წახალისეს ძალადობა პოლიციის წინააღმდეგ“.

[20 მაისს](#), შალვა პაპუაშვილმა გამოაქვეყნა პოსტი, რომელშიც საქართველოში გერმანიის ელჩი მოსამართლეებზე ბეწოლაში დაადანაშაულა. საქმე ეხება ელჩის მხრიდან "თავისუფლება მზიას" ბანერის ფონზე ჩაწერილ ინტერვიუს. „ამით მან მკაფიოდ გადასცა თავისი განწყობა იმ მოსამართლეს, რომლის პროცესსაც, მისივე განცხადებით, აკვირდებოდა. იმ ფონზე, რომ ელჩმა ქართული არ იცის და დარბაზშიც არაფერს უთარგმნოდა, ცხადია, რომ ამ „დაკვირვების“ მიზანი არა პროცესის მსვლელობის დეტალების გაგება იყო, არამედ მოსამართლისთვის განწყობის ჩვენება, რომ მას „დიდი ძმა“ აკვირდება და თუ ის სასურველ გადაწყვეტილებას არ მიიღებს, შედეგსაც მოიძიებს“, –წერს პაპუაშვილი პოსტში.

[10 ივლისს](#) შალვა პაპუაშვილმა ევრო-პარლამენტარის, რასა იუკნევიჩიანეს მიერ მზია ამაღლობელზე გაკეთებულ [განცხადებას](#) დემონფორმაცია უწოდა და აღნიშნა, რომ ევროკავშირი, რომელიც გმობს ძალადობას, „თავად აფინანსებს მოძღვრებებს“. ოქტომბერშიც – მზია ამაღლობელისთვის IPI-IIMS-ის მსოფლიო პრესის თავისუფლების გმირის ჯილდოს [გადაცემის](#) შემდეგ, პაპუაშვილმა [განაცხადა](#), რომ ამით დასავლეთი „მოძღვრებებს გმირებად წარმოაჩენს“.

ცრუ ბრალდებათა პოლიციისთვის სტიქიის მიკვრისა და შეფუთვების გამოგონილ ფაქტებზე

„ქართული ოცნების“ სხვადასხვა წარმომადგენელი ავრცელებდა დემონფორმაციას “პოლიციისთვის

სტიქიის მიკვრის ინციდენტთან“ დაკავშირებით, რომელსაც სინამდვილეში ადგილი არ ჰქონია.

[29 იანვარს](#) ირაკლი კობახიძემ განაცხადა, რომ მზია ამაღლობელი „პოლიციელებს სტიქიურებს აკრავდა ზურგზე“. იგივე გაიმეორა [პირველ თებერვალს](#) დავით მათიკაშვილმა: “საზოგადოებრივ ძალიან კარგად იცის, რომ ამ ქაღალატონმა ჯერ სცადა პოლიციელებზე პირდაპირ სტიქიურების მიკვრა”, ხოლო [3 თებერვალს](#) მამუკა მდინარაძემ, რომელმაც დაამატა: “ამ დავალების შინაარსი და შედეგი უნდა იყოს ის, რომ რაც შეიძლება რეპუტაცია შეელახოს სახელმწიფო ინსტიტუტებს, პოლიციას”.

„ჩვენ ვნახეთ, როდესაც დააკრა სტიქიური პოლიციელებს ზურგზე, არ მგონია ეს იყო ნორმალური საქციელი“, – განაცხადა [12 თებერვალს](#) პარლამენტის თავმჯდომარის მოადგილემ სოზარ სუბარმა.

კიდევ ერთი მცდარი ბრალდება, რომელიც ამაღლობელის წინააღმდეგ გავრცელდა უკავშირდებოდა მისი მიერ პოლიციისთვის შეფუთვებს. [23 ოქტომბერს](#) დეპუტატმა ნინო წილოსანმა ინტერვიუში განაცხადა, რომ მზია ამაღლობელმა „შეაფურთხა პოლიციელები“, რათა პროტესტი “ქაოსსა და ექსტრემიზმში” გადაზრდილიყო.

“ქართული ოცნების” წარმომადგენლების მიერ გაკეთებულმა შეფასებებმა ცხადყო რომ „ქართული ოცნება“ პროპაგანდის მეშვეობით მზია ამაღლობელის დემონიზებას და დისკრედიტაციას ცდილობდა, რაც ჟურნალისტთან დაკავშირებით საზოგადოებრივი აზრის ფორმირებასა და მანიპულირებას ისახავდა მიზნად.. აღნიშნული კი წარმოაჩენს პარტიის პოლიტიკას პრესის

თავისუფლების და ზოგადად დემოკრატიული ფასეულობების მიმართ. მათი დამოკიდებულებები და ქმედებები პირდაპირ მიესადაგება ავტოკრატიის ლოგიკას, სადაც პოლიტიკური ლიდერები ნაცვლად ანგარიშვალდებულებისა და ფაქტებზე დაფუძნებული ინფორმაციით ხელმძღვანელობისა, საზოგადოების მანიპულირებას მიმართავენ და დამოუკიდებელი მედიას ზღუდავენ ძალაუფლების შენარჩუნების მიზნით.